



# Synfocity = 417

22<sup>nd</sup> November, 2012

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

## 1 Synod Finance Committee neih zawh a ni

Mizoram Presbyterian Kohhran Synod Finance Committee wawi 102-na chu ni thum awh tura ruahman a nih laiin ni hnihah zawh fel a ni a, nimin (Nov. 21) khan zawh fel a ni ta.

Synod Finance Committee hian Tangka Kum kal mek chhunga Additional Budget dilna a ngaihtuah a, Pastoral-ah Additional Budget Rs.4,55,04,300/- (Nuai zali sawmnga panga sangli leh zathum a pawm a, Mission lamah Additional Budget Rs.3,65,33,000/- (Nuai sawmthum paruk singnga sangthum leh zathum) a pawm baw.

Kum 2013-2014 Synod Budget thar tur pawh thlir hovin Synod Finance Committee hian Kum 2013-2014 Synod Budget thar atan Pastoral-ah Rs.97,07,71,200/- (Nuai sangkua zasarih pasarih singsarih sangkhat leh zahnih), Mission-ah Rs.49,64,17,500/- (Nuai sangli zakua sawmtuk pali singkhat sangsarih leh zanga), a vaiin Rs.1,46,71,88,700/- (Nuai singkhat sangli zaruk sawmsarih pakhat singriat sangriat leh zasarih) rawtna siamin Synod Executive Committee pawmpui turin a thlen dawn a ni.

Synod Budget pum pui hi kum kaltaah khan Rs.1,25,15,86,000/- (Nuai singkhat sanghnih zanga sawm panga singriat leh sangruk) a ni a, kum 2013-2014 Budget thar hi kum kalta Budget aiin Rs. 215,602,700/- (Nuai sanghnih za sawmnga paruk sanghnih leh zasarih)-in a tam zawk a ni.

Tun tum Synod Finance Committee meeting hian Synod Reserve Fund-ah Rs.5,00,00,000/- (Vaibelchhe nga) leh Mission Reserve Fund-ah Rs.2,00,00,000/- (Vaibelchhe hnih) dah belh turin a rawt baw. Hengte leh rawtna dang an thlente hi November 28 & 29-a Synod Executive Committee thut khawm leh hunah ngaihtuah a ni ang.

## 1 Nurse Capping & Lamp Lighting wawi 39-na

Presbyterian Hospital chuan Hospital Campus-a Nursing School Auditorium-ah November 19 (Thawhtanni) khan Nurse zir turte Capping & Lamp Lighting wawi 39-na an hmang a. Inkhawm hi Dr. Remthanga, Director-in a kaihrui a, Rev. Thangzauva, Synod Moderator chu Khuallian a ni.

Rev. Z.D. Lalmachhuanan hunserh a hmang a, Nursing School Principal Pi C. Lalrintluangin Reports a pe a. Pi Ramfangzauvi, Nursing Superintendent-in Nurse zir chhuakte lukhum a khumtir zawhin Lamp Lighting a buatsaih nghal baw.

He inkhawmah hian Khuallian Rev. Thangzauva chuan Magazine a tlangzarh a, Nurse zirlai tithate hnenah chawimawina a hlan hnuah thuchah a sawi zui nghal. Nurse zir chhungte atangin a duh apiang thusawi hun hman a nih hnuah Dr. Vanlalruata, Medical Superintendent-in lawmthu a sawi a, Chaplain Rev. C. Lalbiakhluna'n Malsawmna sawiin hun a khar a ni. He Programme-ah hian Master of Ceremony chu Ms. Rongurliani leh Dr. Lalbiaksanga Hnamte te an ni.

Synod Hospital hi kum 1928-a din kha a ni a, din a nih rual hian Nursing School hi din ve nghal a ni. Kum 1993 atang khan Principal neih tan a ni a, Principal hmasa ber chu Pi Ramfangzauvi a ni a. December 2002 khan Nursing Superintendent-ah a kaisan avangin Pi C. Lalrintluangi chu Principal a ni ta, tun thleng hian he hna hi a la chelh a ni. Presbyterian Nursing School-a zir chhuak tawh zawng zawng hi an vaiin mi 913 an ni tawh a. Kum 2012 hma lamah chuan GNM course kum 3 leh a chanve zir chhuakte chu intuai hriam nan thla ruk chhung practical-a thawh zuitir an ni thin a. Mahse Indian Nursing Council thuchhuah thar a lo awm tak avangin GNM course zir chhuakte hi kum 2012 atang hi chuan an zir zawh rualin chhuahthir nghal zel a ni dawn ta a ni.

Tunah hian Principal pakhat, Vice Principal pakhat, Sister Tutor sawm an awm mek a, Sister Tutor zinga pathumte hi tunah hian zirna sang zawk chhunzawmin an awm bo mek a ni. Tunah hian Internship Year hmang mek 31, GNM kum 3-na zir mek 29, GNM kum 2-na zir mek 28, GNM kum khatna zir mek 32, an vaiin zirlai 120 an awm mek a ni. Kum 2012 course-a zir mekte result neih tawh chinah GNM kum khatna zir 30-ah 22 an passed a, Mizoram pum puia top 10-ah pahnih an lang phak a, chungte chu 3-na leh 10-na te an ni.

GNM kum 2-na zir 30-ah 29 an passed a, Mizoram Top 10-ah pakhat a lang a, chu chu 8-na a ni.

GNM kum 3-na zir 31-ah 30 an passed a, an zinga 4 chu Top 10-ah an lang a, chungte chu 4-na, 6-na, 7-na leh 10-na te an ni.

## 1 SMTC Inthlahna

Synod Multipurpose Training Centre chuan November 16 (Zirtawpni) khan SMTC Lecture Hall, Mission Vengthlangah Vocational Trainee-ho thlahna hun an hmang.

Programme hi Rev. F. Lalrinnunga, SMTC Programme Director-in a kaihrui a, Upa Vanlalhuma, Office Assistant-in reports a pe a, SMTC Zairawl an zai zawhah training zote hnenah Rev. F. Lalrinnungan Certificate a hlan a, thuchah a sawi baw.

S. Lalmuankima, Bethlehem Veng leh Vanlalhluti, Sihhmui an zai a, trainees aiawhin J.H. Lalhriatpuian thu a sawi baw. Ni. Lalsangliani Sailo, Hmeichhe Puanthui Instructress-in lawmthu sawina hun a hmang a, Rev. Lalbiakvulmawia, SMTC Managing Committee Member-in Malsawmna sawiin a tin a, zanriah kilho nghal a ni.

SMTC hi kum 1993 Synod Inkhawmpui Rorel No. 48-na in a din a ni a, January 12, 1996-ah Pathian hnenah hlanin hawn a ni. A tira a hming chu Christian Multipurpose Centre (CMTCC) tih a ni a, kum 2001 Synod chuan Synod Multipurpose Training Centre (SMTC) tiin a hming hi a thlak a ni.

Tun thleng hian he Centre-a zir chhuak tawh mi 965 an awm a, tuna zir chhuak tharte hi mi 60 niin Puanthui leh Pheikhawh siam zirte an ni a, computer zirlai mi 30 an nei mek baw. Tuna thlah tak te hi Puanthui zir (Hmeichhia) 36, Puanthui zir (Mipa) 20 leh Pheikhawh siam zir (mipa) 4 an ni.

Zirlaite hi Synod chuan thla tinin stipend Rs.500 a pe a, Hostel-a awmte chu an thlatin Mess Fee chanve Rs.500/- a tum sak baw a. Computer zirlaite erawh chuan Admission fee Rs.100/- leh thlatin fee Rs.50/- an chawi ve thung a, an zir chhuahin Incentive Prize Rs.1200/- theuh pek an ni thung.

## 1 Synod Mission Board

Rev. Lalchuanmawia, Synod Mission Board Secretary chu waviin (Nov. 22) hian Interserve Core Meeting, Delhi-ah a tel a, November 24 & 25 hian Mission Consultation-cum-Convention, Shillong Mizo Church-a neih turah Resource Person a ni ang a, Speaker atan Rev. Lalthankhuma, MTC Lecturer an hmang ang.

Contd...

1 **Presbyterian Hospital**

w November 21 - 24 hian Super Specialist Dr. K.P. Mishra, M.S., M.Ch., (Urologist) lo kalin Synod Hospital-ah Urology Camp a neihpui mek a ni. November 21 & 22 hi inentir hun a ni a, November 23 & 24 ah zai ngai te a zai ang. Kala lungte awm, zai hawng lovin chhut keh/key-hole-surgery(PCNL) tih theih a ni bawk.

w Marpara South-a Buddhist puithiam pakhat D.J. Bhikkhu, 'Bhante' an tih bawk chuan Synod Hospital tan a taksa pumpui a donate. D.J. Bhikkhu (Bhante) hi Marpara leh a chhehvelah chuan Buddhist sakhaw zuituten an ngaisangin an zah em em a, a tan hian engmah ui an nei lova, bial fanga a rawn kal tawh chuan an thil neih tha leh hlu tak tak te an hlan thin a ni. Kum 2004 leh 2008 khan Synod Hospital-ah Malaria avangin enkawl a lo ni tawh a, damdawi ina a awm laia thawktute enkawl naah a lawm em em a, khual tha ang maia enkawl niin a inngai a, chuang chuan a thih hunah a taksa chu Synod Hospital-in a tul ang anga an hman atan a hlan a ni.

w Dr. Lalrinliana Varte, Ortho Specialist chu Deformity Correction & Spine zirin Yonshi University Seoul, S, Korea-ah a thang mek a, kumin kum tawp hian a rawn zo ang.

w Dr. R. Lalrindiki, Eye Specialist chu Shri Sankaradeva Nethralaya, Guwahati-ah Phaco-emulsification leh Contact Lens Training, October 1 – 15 December, 2012 chhunga neih mekah a tel a, amah pui tur leh a lo haw huna a training na nasa zawka chhawr tangkai anih theih nan Mr. V. L. Hmunmawia, Ophthalmic Technician chuan November 19 atang khan training hi a zu zawm ve a ni.

w November 19 - 21 khan Govt. of Mizoram, Administrative Training Institute chuan Training on 'Hospital Safety' a buatsaih a, Synod Hospital aiawhin Dr. L. H. Thanga Singson, Sr. Medical Officer; Dr. Lalnunemi, Pathologist leh Sister Rosailovi, Sr. Community Health Sister-te an kal.

w Specialist Doctor tun hnaia chawlh la te:

Hming	Designation	Chawlh Lak
1. Dr. Doris Hmingthanzami	Anaesthesiologist	December 1 – 20, 2012
2. Dr. Ramdinpuia	Medicine Specialist	December 1 – 9, 2012
3. Dr. P. C. Lalthlamuana	Medicine Specialist	December 3 – 20, 2012
4. Dr. H. Lalrinchana	Orthopaedic Surgeon	December 1 – 18, 2012

1 **Kristian Thalai Pawl**

Central KTP Committee chuan Branch tina Evangelical Cell/Sub-Committee te'n tangkai leh hlawk zawka hma an lak theih nan kawng zawn tul a ti a. Hemi kawng hmalakna atan November 28 (Nilaini) hian Mission Veng Kohhran Hall-ah Consultation buatsaih a ni dawn a. Hetah hian Branch tin aiawh mi pakhat theuh tel tura hriattir an ni a, hriattirna la hmu lo chuan hei hi hriattirna anga ngaih mai tur a ni e. Programme kimchang a hnuaihan tarlan a ni.

1 **Kohhran Hmeichhia**

November 23 - 25 hian Marpara Ramthar Kohhranah Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi Malsawmtluangi, Pi C. Lalneihthangi leh Pi Rochhungi (Committee Members) te an kal ang.

1 **Mizo Bible Endik mek**

Bible Society of India (BSI) Vice President Rev. C. Rosiama chu Mizo Bible (OV) endikin Shillong-ah a cham mek. Bible endik hna hi November 19 atang khan tan a ni a, November 27-ah BSI Translation Centre-a thawktu tur interview an nei nghal ang. Rev. C. Rosiama hi BSI Aizawl Auxiliary President a ni reng thin a, tunah hian Rev. Vanlalbelan a thlak ta a, India ram pum BSI hotu Third Vice President a nih bakah Translation Committee Chairman a ni bawk.

1 **Hruaina Eng FM Radio & TV Programme**

w **NOVEMBER 23 (FM Radio @ 7:30 p.m.) :**

**Choir** : Synod Choir - Krismas ni eng, Besy Choir - I hmangaih ropui, **Thuchah** : Zohmingthangi - Chhungkuua hmeichhiate pawimawhna, **Solo** : Lalsangzuali Sailo - Ka nu hmangaihna, Vanlalsailova - Pathiante Pathian

w **NOVEMBER 25 (TV Programme @ 3:00 p.m. :**

**Choir** : Model Veng Pavalai Zaipawl - Kumsul liam hnu, **Sermon** : Rev C Vanlalhruaia - Demna Che Ka Nei, **Choir** : Mizoram Synod Choir - Chawngzawng pawh hawisan lotu kha, 39th Capping & Lamp Lighting Ceremony, **Solo** : Robert Lalduhzuala - Thinlung chaute tan

1 **Susamachar Prasaran Programme**

**NOVEMBER 25 (Pathianni) 5:00 pm. Hindi Gospel Programme (Susamachar Prasaran) :**

**Group/Choir/Solo** : Venghnuai Kohhran - Ham Syon Ka, **Group/Choir/Solo** : Champhai Bethel Pastor Bial - Jab Jab Dekho, **Sermon** : Zohmingthanga - Yesu me chhama, **Group/Choir/Solo** : Electric Bial Masihi Sangati Zaipawl 3, **Group/Choir/Solo** : Ramhlun Vengchhak Masihi Sangati

**EVANGELISM TIH CHAK DAN TURA INRAWNKHAWMNA**

November 28, 2012, Mission Veng Kohhran Hall

Registration	: 9:30 am - 10:00 pm	Chhun chawlh:	Dar 12:00 - 1:00
Chawhma	: Dar 10:00 - 12:00		
Hruaitu	: Tv. V.L. Muanchhana, Asst. Secretary, CKTP	Chawhnu	: Dar 1:30 pm - 3:30 pm
Thupuan	: Upa Lalrinmuana, Gen. Secy, CKTP	Hruaitu	: T. Upa Zohmangaiha, Fin. Secy., CKTP
Tawngtairual	:	Thupui	: Thlarau lam inbuatsaihna
Thupui	: Evangelism awmzia leh Evangelical cell kalphung	Sawitu	: Tv. Vanlalvuana, Venghlui
Sawitu	: Rev. Lalrinmawia, Leader, CKTP	Sawihona	: A duh apiang tan
Sawihona	: A duh apiang		

È

